



## Publicaziuns dalla vischnaunca, jamna 5

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### **Nr. 2015 – 1047.000**

Uffeci da construcziun aulta, Loëstrasse 32, 7001 Cuera; Hostel Cucagna, midada d'intent en in alloschament collectiv per asilants, parcella 685, Via Alpsu 19, 7180 Disentis/Mustér.

Disentis/Mustér, ils 2 da fevrer 2016

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziu suandont project:

#### **Nr. 2016 – 2006.000**

Otto e Venanzius Levy, Via Plaun-Sut 2, 7180 Disentis/ Mustér; sanaziun dallas fatschadas e dils mirs dils baghetgs, parcelas 1854 e 1855, Via Plaun-Sut, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla supras-tonza communal. Disentis/Mustér, ils 2 da fevrer 2016

*Uffeci da baghegiar Disentis/Mustér*

---

### Cussegl da vischnaunca

#### **Ual Val Acletta: Project per rempar e credit da planisaziun**

En sia seduta dils 29 da schaner 2016 ha il cussegl da vischnaunca sut il tgamun da Livio Zanetti tractau la damonda per in credit per preparar il project da publicaziun per in rempar en Val Acletta. Il cussegl da vischnaunca ha discussiunau minuziusamein il project per in rempar sco era la finanziaziun. Il project per l'ustanza Ual d'Acletta ei calculaus sin basa d'in studi da variantas cun rodund 3 milliuns francs. Las Pencilaras da Mustér prevedan grondas investiziuns da rodund 90 milliuns francs per in resort a Sontga Catrina, ina colligiaziun Sedrun-Parlet sco era indrezs d'ennevar. Ina participaziun dalla vischnaunca da netto rodund 4 milliuns francs ei giustificada. En cumparegliaziun cun las investiziuns previdas davart privata munta la cumpart dalla vischnaunca a rodund 4,5%. La necessitad d'ina sanaziun digl uor dalla Val Acletta sil tschancun da Sontga Catrina ei evidenta e nundispeivla. Il project corrispunda era culs giavischs e cun las pretensiuns dils vischins pertuccai (objects en zona cotschna). La repartiziun dalla lavur en pliras etappas lubescha da prender mintgamai risguard sin la situaziun finanziaria dalla vischnaunca. Sin giavisch dil cussegl da vischnaunca sclarescha la suprastonza communal en connex cun l'elaboraziun dil project Ual Val Acletta la finanziaziun dil rempar. Il cussegl da vischnaunca ha concediu unanimein in credit net da frs. 160 000.– per preparar il project da publicaziun per in rempar en Val Acletta. Plinavon ha il parlament communal priu enconuschientscha dils projects dallas Pencilaras Mustér sco era dallas investiziuns resp. finanziaziuns che la vischnaunca vegn confruntada proximamein en connex cun quellas investiziuns.

*Suprastonza communal*



### Invitaziun Seniora/ca

**Proxima sentupada, gievgia, ils 11-2-2016** dallas 14.00–16.00 en Puntreis. Tema: da gliez temps ed ussa Seniors/senioras ein activs.

*Geraua Cecilia Maissen-Desax  
persuna da contact*

---

### Controlla da habitonts

#### Mortori

Rosa Giger, naschida ils 12 da fevrer 1929, morta ils 27 da schaner 2016

---

### Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

[www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*

---

### Cinema Salaplauna – Film d'affons

**«Shaun das Schaf – der Film» (GB 2015), mesjamna,  
10-2-2016, allas 16.00 a Salaplauna Disentis/Mustér**

Als ihm das Leben auf seiner Farm mal wieder zu langweilig wird, beschliesst Shaun das Schaf zur Abwechslung einen kleinen Ausflug zu wagen, um sich zu amüsieren. Shauns Missgeschicke führen dazu, dass der Farmer die Farm verlassen und die Tiere allein zurücklassen muss. Die Schafherde fährt in die grosse Stadt, um dort den Farmer zu retten. Doch die Herde hat noch nie eine Stadt gesehen und kann sich in dem Gewimmel der Straßen nicht zurechtfinden. Ein amüsanter Film mit den berühmten Knetfiguren aus «Wallace and Gromit» – ein Vergnügen für die ganze Familie! Ohne Altersbeschränkung. Cun popcorn e bubrondas. Entrada libra, collecta per cuvierer ils cuosts. Cordial beinvegni!

Center sursilvan d'agricultura, [www.agricultura.ch](http://www.agricultura.ch)

---

### Uniun da dunnas Disentis/Mustér

Nus mein comunablamein a teater «E verhängnisvoll  
Nacht». Ina cumedia en 3 acts d'Armin Vollenweider

Nua: Cuort/Sursaissa

**Cu: mardis ils 16 da fevrer 2016**

Partenza: halla Cons, Mustér 19.15

Cuosts: entrada teater sco era ina cumpart cuosts da transport



Annunzias: entochen ils 10 da fevrer 2016 per e-mail: uddm@bluewin.ch  
per telefon: 081 947 52 81, Tina Bundi

Sin bien seveser  
*Uniun da dunnas Disentis/Mustér*

---

### **Der CEO der Max Havelaar Stiftung im Forum Kloster Disentis**

Am Freitag, 12. Februar 2016, um 20.30 Uhr spricht im Peter-Kaiser-Saal der CEO der Max-Havelaar-Stiftung, Dr. Hans-Peter Fricker, über das Thema: «Nachhaltigkeit, was ist das eigentlich? Erläuterungen am Beispiel des WWF und der Max-Havelaar-Stiftung.»

Herzliche Einladung  
*Kloster Disentis, P. Urban Affentranger*

---

### **Stalkino – Cinema Salaplauna**

#### **Film: Andermatt – global village (CH 2014) 17. Februar, 20 Uhr**

Andermatt, ein Bergdorf in der Krise. Da kommt ein ägyptischer Geschäftsmann und verspricht der Bevölkerung das Blaue vom Himmel. Die Menschen Andermatts erzählen heute, wie sich die Initiativen des Investors Sawiris auf ihr Leben und das Dorf auswirkt. Anschliessend Gespräch mit Robert Kruker und Verena Meier, Autoren des Buches «Andermatt im Umbruch». Klosterhof Salaplauna Disentis, jeweils mittwochs, Filmstart, 20 Uhr, Kollekte.

---

### **Uniun samaritana Mustér**

Nies εμπρεμ exercezi meinsil digl onn niev ha liug **gliendisdis, ils 15 da fevrer 2015** allas 19.30, en casa da scola Cons.

Thema «Repetiziun Reanimaziun (BLS-AED)» part 1  
Selegrond sin ina stedia participaziun envida

*la presidenta*

---

### **Uniun da dunnas Disentis/Mustér**

#### **Scursalada cun ina pintga sorpresa pils affons**

La gruppa dil ressort affons pigns envida tut ils affons entochen quater onns ensemen cun lur mumas ni era babs e fargliuns ad ina scursalada comunabla. Silsunter vegn offeriu in pign sitg el tipi. Prendi vossa scarsola ni vies bob sut bratsch e cun empau cletg survegn era vies affon regalau ina pintga sorpresa dil snowli.

Datum: **Gievgia, ils 18 da fevrer 2016**

Sentupada: allas 14.30 sper il restaurant Sax

Annunzia: P. pl. s'annunziar entochen ils 15-2-2016  
tier Darinka Cajacob, 076 471 83 18.

---

### **Uniun purila Mustér**

**Radunonza generala, sonda, ils 13 da fevrer 2016** allas 20.15 el Buffet dalla staziun Mustér.

Cordialmein envida  
*la suprastonza*



### **Uniun da gimnastica da dunnas Mustér**

Nossa uniun ha ina nova purschida:

«Line-Dance» 1 x per meins. Per igl onn 2016 fussen quei suandontas datas: Gievgia, ils 25 da fev-  
rer/ils 7 d'avrel/ ils 12 da matg ed ils 9 da zercladur 2016, allas 20.00 el Center da sport e cultura  
Mustér. Nus envidein en tuttas interessadas pil sault, mirein en la halla da gimnastica!  
El num dalla suprastonza (tel. 079 672 50 46)

---

### **Frauenturnverein Disentis**

Unser Turnverein hat ein neues Angebot:

«Line-Dance» 1 x im Monat. Nachfolgend die Daten für 2016: Donnerstag, 25. Feb. / 7. April / 12. Mai  
und 9. Juni 2016 um 20.00 Uhr Center da sport e cultura in Disentis.

Wir laden alle Tanzbegeisterten ein, bei uns hereinzuschauen.

Vorstand: Uniun da gimnastica da dunnas Mustér (Tel. 079 672 50 46)

---

### **Secziun da catschadurs Péz Alpetta**

Preavis Lotto. Sonda, ils 30-4-2016 meina la Secziun da catschadurs Péz Alpetta atras igl usitau lotto  
ella Sala Fontauna a Mustér. Nus suplichein autras uniuns da risguardar quei datum. Bien engrazi-  
ment.

**Inserat!**

*La suprastonza*